

Gvangjsih Minzcuz Bau

广西民族报 ganhhau: CN45-0036 B.2020 Nd.12 Ng.30 liggaueq gengcej nienz ndwen'it cibloeg

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzcuz Bause
Geizsoq: Gungh daih 3455 geiz
Geiz neix 8 banj

Swcigih Minzyijveij Fatbouh 406 Aen Swz Gveihfan Vahcuengh

Bonjbauq siusik (gicej Dangz Lungz) 12 nyied 23 hauh, 12 nyied 24 hauh caeuq 12 nyied 30 hauh, Gvangjsih Bouxcuengh Swcigih Minzcuz Yijyenz Vwnzsw Gunghcoz Veijyenzvei (baihlaeng gangj dinj baenz Swcigih Minzyijveij) gonqlaeng youq 《Gvangjsih Yizbau》、Gvangjsih Minzcuz Bau Vangj caeuq 《Gvangjsih Minzcuz Bau》 (banj Sawcuengh) fatbouh goenggauq, fatbouh 406 aen

swz gveihfan Sawcuengh de caemh-caiq hawj vunzlai ciuq yungh.

Doenghgij swz neix dwg daih-seiq buek swz gveihfan Sawcuengh, dwg Swcigih Minzyijveij vihliux doinyoengx Sawcuengh gveihfanva、byauhcuinjva、sinsizva、gyoebcomz mbangj lauxcangh Vahcuengh Sawcuengh lwnhyaeng mbangj swz Sawcuengh gvendaengz fatlwd caeuq saeh hoengh ndawbiengz de cix

dinghndei.

Bineix saemjdingh swz moq Vahcuengh, cawzok doenghgij swz faplwd ndaw 《Cunghvaz Yinzminz Gunghozgoz Minzfazdenj》 youz Cunghgoz Minzcuz Yijvwnz Fanhyizgiz hai aen hoih canghfanhoiz saemjdingh gvaq de mbouj suenq, vanzlij baez daih'it saemjdingh doenghgij swz moq Vahcuengh youz gij danhvei Swcigih Minzcunghveij sohguenj de

bingzciengz guhhong yungh daengz le soucomz hwnjdauq, yungh de deihaenz.

Vihliux guh ndei hong soucomz、fanhoiz、saemjdingh caeuq fatbouh swz moq Vahcuengh, Swcigih Minzyijveij 3 bi doxriengz fatbouh sam buek gungh 1866 aen swz gveihfan Vahcuengh, bi saemjdingh mbat、fatbouh mbat swz gveihfan Vahcuengh, yiengh guhfap neix bi beij bi ndei.



Lungzswng: Yienj Cezmuz Gyo'mbaiq Aencingz Dangj

12 nyied 25 hauh, Lungzswng Gak Cuz Swciyen Lungzswng Cin Siujyoz banh hozdung comz yienj cezmuz "duetgungz gyo aencingz dangj·daj gizmoq hwnjdin buekguh", gij cezmuz 《Aen Cungguek Ndaw Go Lwgnyez》《Gou Gyaez Bwzgingh Denh'anhmwz》《Gak Cuz Lwgmiz Guhdoi Haenh Duetgungz Gyo Aen Dangj》daengj aen dam aen hwnjyienj, ndeiawj lailai, danqhaenh duetgungz baenzsach hungmbwk, gyo'mbaiq dangj caeuq guekgia hawj vunzlai gvaq ndaej vuenyungz, vixyinx daengx hagdangz lauxsae hagseng rox aencingz dangj·gyo'mbaiq aencingz dangj·riengz dangj baenaj.

(Vuz Swngbinh Liu Dauyiz)

Banj Sawcuengh 《Huz Ginjdauh Vwnzsenj》Ok Saw Lo

Geij ngoenz gonq, banj Sawcuengh 《Huz Ginjdauh Vwnzsenj》gienj daih'it daengz daihsam caeuq banj Sawmungzugj、Sawcangvwnz、Sawveizvuzwj、Sawhahsazgwz、Sawcauzsenj、Sawyizvwnz daengj caet banj saw minzcuz bonj saw neix, ndaej fanhoiz sat caez gvaq, youq daengx guek okbanj fathengz.

Cunghgung Cunghyangh Vwnzyen Benhciz Veijyenzvei bien le 《Huz Ginjdauh Vwnzsenj》gienj daih'it daengz daihsam, 2016 nienz 9 nyied youz Yinzminz Cuzbanjse

okbanj. Cunghgoz Minzcuz Yijvwnz Fanhyizgiz gyoebcomz aendoih fanhoiz saw minzcuz daengx guek, guh 4 bi nanz, daengz bineix 12 nyied guh sat hong fanhoiz 《Huz Ginjdauh Vwnzsenj》baenz caet cungj saw minzcuz. Banj saw sausu minzcuz 《Huz Ginjdauh Vwnzsenj》okbanj fathengz, doiq daengx guek sausu minzcuz ganbu、ginzcung haeujlaeg hag gij hongbaenz lijun youqgaenj gvendaengz Majgwzsh cuji bienq hab Cungguek, yaengx sang mbawgeiz sevei cuji miz daegsaek Cungguek,

haenqrengz aeu yiengh sevei cuji miz daegsaek Cungguek ndaejhingz hungmbwk, itdingh langh ok gij rengz doinyoengx rengzrd bae.

Banj Sawmungzugj、Sawcangvwnz、Sawveizvuzwj、Sawhahsazgwz、Sawcauzsenj 《Huz Ginjdauh Vwnzsenj》de youz Minzcuz Cuzbanjse okbanj fathengz. Banj Sawcuengh、banj Sawyizvwnz 《Huz Ginjdauh Vwnzsenj》faenbied youz Gvangjsih Minzcuz Cuzbanjse、Swconh Minzcuz Cuzbanjse okbanj fathengz.

(ciuq Sinhvasse)

SIUSIK DINJ

● 12 nyied 18 hauh, youq Gveibingz Si Muzloz Cin, aen canjyeyenz daemjbaengz guh ndangdaenj de banh yizsiz ciemdingh habdoengz ciuyinx vunz roengz cienzngaenz, dangciengz ciem 11 aen hanghmoeg, gungh roengzcienz 107 ik maenz, ndawde ciem 10 aen hanghmoeg guh ndangdaenj haeuj ndaw canjyeyenz neix, bi canjciz daihgaiq 33.6 ik maenz.

(Dangz Cwngfangh)

● 12 nyied 23 hauh, gicej cam Nanzningz Si Yanghcunh Cinhingh (Yanghcunh Gensez) Ban ndaej rox, geij bi doxgyawj neix, aen si neix gungh comz caeuq gyonj gak cungj cienzngaenz gungh 265 ik maenz bae hwnqguh lajmbanj gyaendei.

(Gyauz Yaujyingz)

● Geij bi doxgyawj neix, Bwzliuz Si hawj hong hwnqguh aengih guh yiengh nungzyez miz daegsaek seizneix caeuq hong dawzcinj duetgungz doxyungz haeujlaeg, gyarengz doi daegsaek canjnieb "5 + 2" guh baenaj, baudaengz 1.26 fanh ranzgungzhoj, ciemq cungjsoq daengz 93.37%.

(Ganh Mungdangz)

● Bineix suenq daengz 12 nyied 20 hauh, Gveigangj Si 1112 aen hingzcwngcunh (suenq segih lajmbanj) cizdij ginghei souhauej gyoepsuenq ndaej 1.94 ik maenz. Ndawde Cindzangz Gih cunh cizdij ginghei souhauej gyoepsuenq ndaej 2804.57 fanh maenz, beij bi'gvaq caemh duenh gyalai 58.22%, ndaw gih neix 145 aen cunh cizdij ginghei souhauej 5 fanh maenz doxhwnj.

(Dangz Gvei)